

Saeh Yinx Seiziq

童年趣事

武鸣县仙湖镇中桥小学五(2)班 潘银珠



Saeh yinx seiziq lai raix-caix, ciengzseiz fangzhwnz loq raen saeh yinx seiziq. Nanzlumz seiziq, mwhhaenx, dou cungj bien hauj lai gojgaeq gyaunde. Miz doengh duznon, aen vanzgi he, baez fatyienh heGijneix yawj hwnjdaej daegbied iq, hoeng ndawde miz gij vaiqvued raeuz, ndawde saekmwh miz saehhuk, hoeng gou ciengxlwenx mbouj caiq guh lo .

Geiq ndaej seizhah ngoenz he, gou caeuq dangzcej bang daxbuz guh ceizraemxrouh, yaep iq he, baenz aen baenz aen ceizraemxrouh hausumsum nyaenj ndei lo.

Mwngz yawj, "doenghdusz gvaig" ndaw ceizraemxrouh cungj dwg gij dinfwngz gou caeuq dangzcej, ginggvaq daxbuz gyagoeng, ceizraemxrouh bienq baenz luenzlili lo. Daxbuz dawz "duzgvaig iq" dou nyaenj haenx gyagoeng ndei le, daengq dou dawz ceizraemxrouh cawj ndei, gangj sat, daxbuz byaijdeuz

lo .

Gou sim siengi: Daxbuz ciengzseiz naeuz gou caeuq dahcej mbouj rox guh hongranz. Seizneix, dou miz aen gihvei he doenghfwngz, mbatneix, itdingh hawj daxbuz da biengjbat. Yienghneix, gou daekeiq hwnjdaej, sien riu rek bae coux raemx, yienzhaeh dawz ceizraemxrouh cuengq roengz ndaw rekraemx bae. Sawqmwh, doenghgij ceizraemxrouh iqet luenzlu haenx siusaet lo, bienqbaenz le rek raemx dang hausupsup he, gou doeksat lo, dahsing hemq: "Ceizraemxrouh mbouj raen lo, ceizraemxrouh mbouj raen lo!" Daxbuz dingqnyi le, sikhaek buet gvaqdaej, daxbuz yawj le yawj gij ceizraemxrouh ndaw rek, daej riu mbouj dwg, naeuz: "Dahlan huk ha! Mbouj dwg yienghneix cawj ceizraemxrouh ha, aeu caj daengz raemx goenj cij ndaej dawz ceizraemxrouh cuengq roengzbae, mwngz yienghneix

cawj, ceizraemxrouh couh nem lo yungz lo, rox lwi?" Gou lij miz di mbouj fug, han naeuz: "Cawj ceizraemxrouh mbouj dwg sien cuengq raemx, caiq cuengq ceizraemxrouh ma? Raemxgyoet caeuq raemxndat miz maz mbouj doengz ne." Daxbuz sim unq hoz swnh doiq gou naeuz: "Baezlaeng cawj ceizraemxrouh ha, cienfanh mbouj ndaej yungh raemxgyoet cawj, danghnaeuz yungh raemxgyoet cawj, ceizraemxrouh couh yungz baenz souh liux lo, nanzdauh mwngz nyaenxsim yawj ceizraemxrouh siusaet bae la?" Dingq le gij vah daxbuz, gou sim fug liux lo, han sing he: "Mbouj nyaenxsim."

Siengi daengz saeh yinx seiziq, gou couh nyaenx mbouj ndaej riundumj hwnjdaej. Seiziq gou geijlai nomj, geij lai dienaen mbouj roxsoq ha!

(指导老师:莫丽珍)

Gai Byaek

卖菜

武鸣县仙湖镇中桥小学六(1)班 黄慧娴

Miz ngoenz singhgiz ndeu, daxmeh doiq gou naeuz: "Ngoenzneix mwngz youq ranz mbouj miz saeh, caeuq gou bae gai byaek, ndei lwi?" Gou angq dwk dapwngq daxmeh: "Ndei ha!"

Gou caeuq daxmeh rap byaek daeujdaengz gwnz haw lo, ngoenzneix vunz caen lai, song henz haw baij gak cungj gak yiengh doxgaiq, giz gai noh, giz gai bit gaeq, giz gai haeux, giz gai buhvaq..... Gig hoengh. Gou caeuq daxmeh gig mbouj yungzheih ra ndaej dieg ndeu dingz roengzdaej. Dou ngamq cuengq rap roengzdaej, couh miz geij boux humx gvaqdaej cam gyaqcienz lo. Gou han naeuz: "Sam gak gaen ndeu." Boux daxheiz he dingq le, maeuq roengzdaej genj geij go byaekhau oi q hawj daxmeh caengh, daxmeh baez caengh naeuz: "Sam gaen buenq." Boux daxheiz haenx daj ndaw daeh mbon ok song maenz ngaenz hawj gou, gou cieq gvaq ngaenz, caj daxmeh suenq cienz byaek, hoeng de youh muengz caengh byaek hawj gij vunz wnq. Gou cijndei sawq suenq, moix gaen byaek sam gak, sam gaen buenq dwg geijlai cienz ne? Caen nanz ha, mbouj miz bit caeuq cei, baenzlawz guh ne? Seizneix, gou cix ienqhoij, lauxsae son baenzlawz suenqmboek, gou mbouj dawz haeuj rwz, mbouj rox suenq lo. Seizneix boux daxheiz haenx coi gou doiq cienz lw hawj de, gwnz gyauej gou hanh conh okdaej lo. Boux daxau ndwn youq henz yawjraen le gig dungzcingz dwk cam gou: "Siuj baengzyoux, mwngz dwg ngeih nienzgaep hagseng ba?" Gou cungj baenzneix hung baenzlawz cij doeg ngeih nienzgaep? Gou mbouj gamj hoizdap. Gou caegcaeg cim gij vunz baihhenz, gyoengqde cungj yawj gou, lumj dwg riu gou nei, gou gamjdaengz gig najmong. Boux daxau yawj gij yiengh najhawq gou, doiq gou naeuz: "Siuj baengzyoux, mbouj yungh gip, gou bang mwngz suenq, moix gaen sam gak, sam gaen gouj gak, buenq gaen gak haj, itgungh dwg maenz lingz haj faen." Gou docih dwk ngaekngaek gyauej, vaiq doiq gouj gak haj faen ngaenz hawj boux daxheiz haenx.

Youq gwnz loh baema ranz, ndaw sim gou nanznanz mbouj ndaej dingh roengzdaej, sim siengi hagsib mbouj ndaej lujlaj, aeu lauxlaux saedsaed bae hag, cij hag ndaej caen bonjsaeh, majhung le cij baenz boux vunz miz yungh ndeu.



Aenliengj Mbouj Hwnjda Ndeu



一把不起眼的伞

武鸣县仙湖镇中桥小学五(1)班 黄雅岚

Youq aen gvihciengz ndaw gyausiz raeuz, itcig cuengq miz aenliengj hoengz gaeuq ndeu. Gou mbat daih' it yawj daengz aenliengj neix, dwg yozgiz gonq ngoenz fwn ndeu. Cuengqhag seiz, doengzhag Banh Li' gyauh gang aenliengj neix baema ranz. Gou yawj dwk, roxdaengz gig geizheih, vunz de baenz iq, vihmaz gang aenliengj baenz hung ne?

Bi' gvaq seizdoeng fwn daegbied lai. Mbwn, doek fwn hung, gou naengh youq gwnz danci daxboh, gwnz gyauej cw fan youzcej. Sawqmwh dingqnyi miz vunz heuh gou, gou biengj fan youzcej le baez yawj henz roen, yenzlaiz dwg Banh Cinleiz. Yi, vihmaz aen liengj de gang haenx caeuq geij ngoenz gaxgonq aen Banh Li' gyauh gang haenx ityiengh ne? Gou gig geizheih, sim siengi, doengzhag ban dou vihmaz cungj gyaenz gang aenliengj hung yiengh neix ne?

Singhgiz seiq, lwnz daengz gou dang cizyizswng lo, gou uet gvihciengz seiz, youh yawjraen aenliengj hoengz neix. Gou nyaenx mbouj ndaej youh ngeix hwnjdaej: Vihmaz miz aenliengj yienghneix?

Doeng bae cin daej, raemxfwn engq lai lo. Ngoenzneix banhaet, mbwn lij ndei, gvaq le byonghngoenz, cix doek fwn hwnjdaej. Fwn yied doek yied hung, gou mbouj miz liengj, mbouj ndaej ma ranz. Cingq youq seizneix, banhcujiy in yawjraen gou ndwn youq bakdou gyausiz, rox gou mbouj daiq liengj, gipmuengz naeuz: "Mbouj youqgaen, ndaw gyausiz miz aen liengj ndeu, mwngz gang baema ranz ba!" Gangj dwk de buet daengz gyausiz, aeu aenliengj ndenq hawj gou, caiq caenciet doiq gou naeuz: "Gang vei, vaiq baema ranz ba!" Gou cieq gvaq liengj baez yawj, ya! Caeuq aen liengj Banh Li' gyauh, Banh Cinleiz gang haenx doxdoengz. Seizneix, ndaw uk gou sikhaek yienh' ok aen vwnhau hung ndeu, neix dwg vih gijmaz, nanzdauh dwg doengz aen liengj ma? Aen de youh dwg aen byawz

ne? Gou caeuq banhcujiy in naeuz le coenz "caiqraen" couh gang liengj baema lo. Youq gwnz roen, gou itcig ngeix aen vwndiz neix, gietdingh ngoenzcog daengz hagdzangz loengh cingcu.

Ngoenz daihngaih gyanghaet, gou couh hainduj diucaz ndaw ban miz geijlai boux doengzhag miz aenliengj yienghneix. Cam Banh Cinleiz, de naeuz: "Mbouj dwg aen gou, neix dwg banhcujiy in ciq hawj gou."Doeklaeng, ndaw ban miz dingz lai vunz naeuz yungh gvaq aen liengj yienghneix, hoeng cungj naeuz mbouj dwg aen bonjfaenh. Yenzlaiz daihgaya dwg yungh doengz aenliengj, aenliengj neix cix dwg aen banhcujiy in. Dapanq dauqdaej ra raen lo!

Liengj ha liengj, mwngz yienznaeuz dwg yienghhaenx mbouj hwnjda, hoeng fanjyingi ok le gij gyaenz banhcujiy in lumj gim ityiengh. Mboujguenj yawj daengz mwngz, roxnaeuz dawz mwngz, gang mwngz, cungj rox hawj gyoengqraeuz siengi hwnj lauxsae.

Docih mwngz, lauxsae.

(指导老师:黄雪丽)